



Tuzla, 21.04.2005.

IZVJEŠTAJ O REZULTATIMA PROVEDENE JAVNE RASPRAVE O NACRTU PRAVILNIKA O LICENCAMA

IZVJEŠTAJ O ODRŽANIM JAVNIM RASPRAVAMA

Nacrtr Pravilnika o licencama i Obrazloženje uz nacrt Pravilnika o licencama utvrđeni su na sjednici DERK-a održanoj 02.februara 2005 godine.

Obavijest za javnost za prikupljanje komentara i održavanje opšte rasprave u toku koje je DERK primao komentare javnosti, objavljena je u dnevnim listovima "Dnevni avaz", "Glas srpske" i "Večernji list" (BH izdanje), i na Internet adresi DERK-a (www.derk.ba).

Zainteresovana pravna i fizička lica mogla su podnositi komentare na nacrt Pravilnika u periodu od dana objavljivanja obavijesti do dana isteka roka za podnošenje pisanih komentara (07.marta 2005. godine) na adrese DERK-a (Tuzla, M. Jovanovića 4, faks 035 30 20 77, e-mail: info@derk.ba)

U skladu sa Planom aktivnosti u postupku kreiranja i donošenja Pravilnika o licencama, usvojenom od strane komisije 02.02.2005. godine, održane su sljedeće rasprave:

- 21.02.2005. tehnička rasprava u Sarajevu,
- 22.02.2005. opšta rasprava u Mostaru i
- 28.02.2005. opšta rasprava u Banja Luci.

Tehnička rasprava u Sarajevu održana je u prostorijama Vanjskotrgovinske/Spoljno-trgovinske komore u Sarajevu 21.02.2005. godine sa početkom u 12.00. Poziv za raspravu je dobilo 18 institucija ili kompanija. Na raspravi je, pored predstavnika DERK-a, bilo 24 prisutnih iz 8 institucija ili kompanija.

Opšta rasprava u Mostaru održana je u prostorijama hotela "Ero" 22.02.2005. godine sa početkom u 12.00. Na raspravi je, pored predstavnika DERK-a, bilo 24 prisutnih .

Opšta rasprava u Banja Luci održana je u prostorijama hotela "Bosna" 28.02.2005. godine sa početkom u 12.00. Na raspravi je, pored predstavnika DERK-a, bilo 11 prisutnih.

Sve održane rasprave pratio je najmanje jedan član Državne regulatorne komisije za električnu energiju. Voditelj postupka na svim raspravama bio je Saša Ščekić, šef sektora za licence i tehničke poslove.

Pored usmeno iznesenih komentara na raspravama, do predviđenog roka za dostavu komentara (07.03.2005. godine), pristigao je i veći broj pisanih komentara.

Komentari zainteresovanih članova javnosti su izlagani u različitim formama: u vidu slobodno iznijetih zapažanja, primjedbi, prijedloga ili sugestija, sa kraćim obrazloženjem, ili u vidu postavljanja pitanja, ili su komentari ponuđeni samo kao ideja za razmišljanje. Međutim, nisu izostali ni komentari koji su sadržavali i konkretna alternativna rješenja.

IZVJEŠTAJ O PRIBAVLJENIM I PRIHVAĆENIM KOMENTARIMA

Svi komentari, usmeno izlagani na raspravama ili u pisanoj formi dostavljeni DERK-u, u tačno utvrđenom roku, uredno su evidentirani i s pažnjom razmotreni. Svi pribavljeni komentari i zapisnici sa rasprava odloženi su u Protokol DERK-a.

Na osnovu pribavljenih komentara javnosti DERK je, u cilju poboljšanja teksta, izvršio određene izmjene u Pravilniku.

Pored komentara javnosti datih na javnim raspravama, DERK je inicirao i slijedeće izmjene:

- zbog potrebe usklađenog vremenskog djelovanja u oblasti licenciranja i zbog omogućavanja da subjekti koji traže licence mogu kvalitetno da prikupe potrebnu dokumentaciju, uvedene su odredbe koje se odnose na prelazni period primjene Pravilnika o licencama i uvedene su privremene licence koje omogućavaju da subjekti koji apliciraju za licencu izvrše kvalitetne pripreme za podnošenje zahtjeva za licencu,
- zbog potrebe usklađivanja licencne problematike sa drugim regulatornim tijelima u BiH, DERK je izmijenio dio koji se odnosi na međunarodnu trgovinu, i to u smislu da subjekti koji žele da se bave međunarodnom trgovinom, moraju prethodno da posjeduju licencu jednog od entitetskih regulatornih tijela; pored ovoga, omogućeno je kvalifikovanim kupcima koji su direktno priključeni na prenosnu mrežu da u pojednostavljenoj proceduri, koju eventualno propiše DERK, mogu da dobiju dozvolu za uvoz električne energije za vlastite potrebe.

Pribavljeni komentari nisu bili takve prirode da bi zahtijevali suštinsku reviziju Pravilnika o licencama radi kojih bi bilo cjelishodno obnoviti postupak javnih rasprava.